

28-06-2021

KANTON SARAJEVO

Č. E.

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-02847/21
Sarajevo, Juni 24. 2021. godine

SKUPŠTINA KANTONA SARAJEVO
(Na pažnju, predsjedavajućeg, Elvedina Okerića)

PREDMET: *Odgovor na zastupničko pitanje broj: 01-04-22801-47/21 od 01.06.2021. godine, postavljeno od zastupnice Jasmine Bišćević -Tokić, dostavlja se;*

VEZA: Zastupničko pitanje broj: 01-04-22801-47/21 od 01.06.2021.

Vašim aktom broj i datum veze, koji je zaprimljen dana 09.06.2021.godine, dostavili ste na nadležno postupanje Kantonalnoj upravi za inspekcijske poslove Kantona Sarajevo, zastupničko pitanje koje je uputila dana 31.05.2021. godine na 37. Radnoj sjednici Skupštine Kantona Sarajevo zastupnica Jasmina Bišćević -Tokić, a koja glasi:

"Upućujem zastupničko pitanje Vladi Kantona Sarajevo, Kantonalnoj upravi za inspekcijske poslove, Kantonalnom tužilaštvu Kantona Sarajevo i Uredu za borbu protiv korupcije i upravljanje kvalitetom Kantona Sarajevo u kojoj je fazi postupak u vezi sa ugovorima o djelu koji su zaključeni u Centru „Vladimir Nazor“, te se navedeni Centar tereti za iznos od 650000 KM, za ugovore o djelu kojima je angažovano mnoštvo osoba od 2015.godine. "

Na naprijed navedeno zastupničko pitanja, dostavljamo sljedeći odgovor:

ODGOVOR:



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

24-06-2021

Inspekcija rada u skladu sa članom 159. Zakona o radu ("Službene novine FBiH", br. 26/16 i 89/18) vrši nadzor nad primjenom Zakona o radu i na osnovu njega donesenih propisa koji regulišu radno-pravni status radnika. Inspekcija rada nije nadležna za kontrolu izvršenih poslova iz ugovora o djelu, odnosno nije nadležna za kontrolu prava i obaveza po osnovu ugovora o djelu, jer se na ugovor o djelu primjenjuju odredbe Zakona o obligacionim odnosima, koji zakon ne kontroliše inspekcija rada.

U vezi navoda iz zastupničkog pitanja da je u Centru "Vladimir Nazor" ugovorima o djelu angažovano mnoštvo osoba od 2015.godine, informišemo Vas da je inspektor rada Fišek Ibrahim po zaprimljenoj pismenoj prijavi od 06.02.2019.godine, izvršio usmjereni inspekcijski nadzor u JU Centar za odgoj, obrazovanje i rehabilitaciju "Vladimir Nazor" Sarajevo, na okolnosti navoda zaključivanja ugovora o djelu za radnike u Odjelu za predškolski odgoj.

Na navedene okolnosti, dana 12., 14., 15. i 19.02.2019.godine, izvršen je inspekcijski nadzor u JU Centar za odgoj, obrazovanje i rehabilitaciju "Vladimir Nazor" Sarajevo. Inspekcijskim nadzorom je utvrđeno da je javna ustanova u periodu septembar - decembar 2018.godine, sa tridesetdevet (39) lica zaključila ugovore o djelu za poslove radnih mjesta koja su predviđena Sistematizacijom poslova i radnih mjesta koja je prilog I Pravilnika o radu javne ustanove, te za poslove koji su u neposrednoj vezi sa poslovima radnih mjesta koja su predviđena Sistematizacijom poslova i radnih zadataka.

Nadalje je utvrđeno da je javna ustanova i za mjesec februar 2019.godine, odnosno u trenutku inspekcijskog nadzora imala zaključene ugovore o djelu sa četrdeset (40) lica (od čega su 32 lica koja su imala zaključen ugovor djelu u periodu septembar -decembar 2018.godinu i 8 novih lica) za poslove radnih mjesta koja su predviđena Sistematizacijom poslova i radnih mjesta koja je prilog I Pravilnika o radu javne ustanove, te za poslove koji su u neposrednoj vezi sa poslovima radnih mjesta predviđenim kroz Sistematizaciju poslova i radnih mjesta.

Javna ustanova je zaključila ugovore o djelu za izvršavanje poslova asistenta odgajatelja u predškolskom odgoju i obrazovanju, poslova domara i poslova portira u predškolskom odgoju i obrazovanju, a koja radna mjesta su predviđena Sistematizacijom poslova i radnih mjesta. Također, javna ustanova je zaključila ugovore o djelu za izvršavanje poslova higijeničara i čistačica/higijeničar koji su poslovi radnog mjesta spremačica koje je sistematizovano radno mjesto.

Pored navedenog javna ustanova je zaključila ugovore o djelu za izvršavanje poslova voditelj odgajatelja u predškolskom odgoju i obrazovanju koja su u neposrednoj vezi sa poslovima asistent odgajatelja u predškolskom odgoju i obrazovanju koje je sistematizovano radno mjesto.

Dakle, javna ustanova je bila u obavezi da sa licima, sa kojima je zaključila gore pomenute ugovore o djelu, zaključi ugovore o radu i da ista prijavi na obavezna osiguranja, u skladu sa članom 4. Zakona o radu ("Službene novine FBiH" br. 26/16 i 89 /18), što je propušteno učiniti, te je takvo postupanje javne ustanove kažnjivo po članu 170. st. 1. i 3. istog zakona.

S obzirom da se radilo o angažovanju ukupno 40 lica suprotno odredbama Zakona o radu, inspektor rada djelovao pokretanjem prekršajnog postupka prema poslodavcu kao pravnom licu i prema odgovornom licu javne ustanove.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

O gore navedenom je Aktom, broj: UP-1-14-09-34-02856/19 od 26.02.2019. godine, obavješteno Ministarstvo za obrazovanje, nauku i mlade Kantona Sarajevo, kako bi eventualno poduzeli radnje i mjere iz svoje nadležnosti.

Rješenjima Općinskog suda u Sarajevu izrečene su sankcije okrivljenoj javnoj ustanovi i odgovornom licu javne ustanove.

Nadalje, po zaprimljenoj prijavi od 30.04.2021.godine, postupajući inspektor rada Dženan Hujčić izvršio je 10.05.2021.godine, usmjereni inspekcijski nadzoru JU Centar za odgoj, obrazovanje i rehabilitaciju "Vladimir Nazor" Sarajevo, kojom prilikom je na osnovu izjave odgovornog lica utvrđeno da unazad dvije godine nije bilo isplata bilo kome po osnovu ugovora o djelu, a sve nakon inspekcijske kontrole kojom je zabranjena takva praksa.

S poštovanjem,

Dostavlja se:

- 1. Predsjedavajući Skupštine Kantona Sarajevo*
- 2. Sekretar Skupštine Kantona Sarajevo*
- 3. Sekretar Vlade Kantona Sarajevo*

④. a/a



DIREKTOR

Adis Mešić



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb